

ԲՈԾԱՆԵՐԸ

ՀԱՄ ԱՂԻՐԻԱՆՕ ԿՈԼՈՉԻՍԻ

I

Բոշաների ծագումը և զարգացումը պատկանում է ալն բազմաթիւ էթնօգրաֆիական և սոցիօլոգիական խնդիրներին, որ նորագույն գիտութիւնը գեռ ևս բաւարար կերպով չի լուծած:

Կարելի է համարձակ ասել, որ բոշա լինելու համար պէտք է բոշա ծնւել, որովհետեւ չի կարելի բոշա դառնալ: Արեան ազնւութիւնը, որի շնորհիւ նոքա միւս ազգերին ոչ մաքուր կամ հառամ են համարում, ալս հանգամանքը, որ նոքա բոլորովին չունին հակումն՝ հետևողներ գտնել, չետոյ ալն, որ նոքա, ինչ դրութեան մէջ էլ որ են՝ ստրուկ, թէ տէր, անազատ թէ ազատ, լուսաւորւած թէ ոչ լուսաւորւած՝ նոքա միշտ շարունակում են իրանց զուտ անհատական կեանքը, գուցէ գնահատում են լուսաւորութիւնը, բայց ալդ կողմից ամենևին զուրկ նախանձի զգացմունքից, մեծ մասամբ թափառող և լաճախ անօթութեան դէմ կուտղ, և եթէ ոչ իսկապէս բաղդաւոր, գոնէ ազատ և նոյնքան համարձակ և արհամարող կեանքի անպատեհութիւնները, որքան ուրախ բաղդաւորութեան մէջ, — ահա բոշաների ընդհանուր գծագրութիւնը:

Բայց ալդ կաստալին հպարտութիւնը չէ միայն, ինչ մեր ուշքն է գրաւում: Դորանից շատ աւելի հետաքրքրում են մեզ կեանքը և պատմական վիճակը ալս տարօրինակ և ամենուրեք թափառող ժողովրդի, որը փոփոխակի երբեմն խխուր, երբեմն ուրախ է տրամադրում, երբեմն վախեցնում է և խղճալ է տալիս, երբեմն ծիծաղ չարուցանում:

Ահա ինչով պէտք է մեկնել և ալն, որ, նախած գրողի բնաւորութեան, շատ մարդիկ զբաղւել են մարդկալին ալդ ցեցով, տալով երբեմն ընդարձակ ուսումնասիրութիւններ բոշաների ժողովրդական կեանքի մասին, սկսած նոցա ծագումից մինչ նոցա ներկայ դրութիւնը, իսկ երբեմն սահմանափակել իրանց ուսումնասիրութիւնը կեանքի՝ լոկ մի քանի կող-

մերով, որպէս են նոցա երաժշտութիւնը, երգեցողութիւնը, պարը և այլն, թէ որքան մեծ է գրականութիւնը բոշաների մասին, այդ երեւում է արդէն Գւիդա Կորա-Տուրինի վկայութիւնից, որը, իւր մի լօգաւածում բոշաների մասին, հրատարակած «Դաս Աուսլանդ» (Das Ausland—«Արաս-սահման») երկրաբանական և ժողովրդաբանական շաբաթաթերթի ալսաարւալ 31, 32, 33, 34 և 36 համարներում, վկայում է, թէ բոշաների մասին ինքնուրույն ուսումնասիրութիւնների թիւը հասնում է 500 հատի, իսկ մանրերի հետ միասին մինչ 1000-ի, Եւ չը նալած դորան, դեռ այդ ազգը կամ ցեղը լիակատար կերպով ուսումնասիրւած չէր մինչ վերջին տարին, երբ լոյս տեսաւ Ա գրի ա ն ո Կ ո լ չ ի ս ի դիրքը՝ «Բոշաները, Մի թափառող ազգի պատմութիւն» ¹⁾, որը թէ եղած պակասութիւններից շատերը լրացրեց և թէ միւսների վերալ մատնանիչ եղաւ, Ալսպիսի մի գործ դրելու համար հեղինակը մեծամեծ պատրաստութիւններ ունէր, անձամբ ծանօթ լինելով թէ Արեւելքի և թէ Արեւմուտքի բոշաների հետ և ունենալով գրեթէ լիակատար տեղեկութիւն բոշաների մասին դրած թէ հին և թէ նոր գրականութեան մասին, իւր թարմ գրած և գիտնականօրէն մտածւած գրքով Կոլոչիս չաջողութեամբ մի խնդիր է ուսումնասիրում, որի մասին Խտալիայի գիտնական գրականութիւնը ունէր Ֆրանչիսկօ Պրիդա-րիսի դիրքը ²⁾ դեռ ևս կէս դար մեզնից առաջ, որը անկասկած նպաստեց Նիւթի աւելի խորը և ընդարձակ ուսումնասիրութեան, Հետեւելում մենք կը հիմնենք գլխաւորապէս վերոյիշեալ Կոլոչիսի բացատրութիւնների վերալ, հետեւելով Կորա-Տուրինի լօգաւածին և սկսելով բոշաների ծագման խնդրից:

II

Բոշաների ծագումը:

Բոշաների ծագման խնդիրը պատմաբանների և էթնօլոգների լուսահատ խնդիրներից մէկն է: Հնէրը նոցա ծագման մասին ոչինչ չեն խօսում և ոչ էլ նոցա ցրւելու պատճառների մասին: Ներկայիւ քննադատութիւնը և համեմատական լեզուագիտութեան աչքան արդիւնաւոր հետեւանքները նմանապէս չ'առաջացրին մի հաստատ պատասխան այդ մասին: Այդ պատ-

¹⁾ Adriano Colocci, Gli Zingari, Storia d'un popolo errante. Turin 1880. 8°—430 էրես, մի քարտէզով և բազմաթիւ նկարներով: Գիրքը ներած է Նորին Կալս. և Թագ. բարձրութիւն արքիդուքս Յովսէփին, որը իւր ուսումնասիրութեան առարկալ է չինել Ունգարիայի բոշաներին և սոցա մասին թէ արտաքուստ և թէ բովանդակութիւնով հաւասարապէս չքեղ դիրք է հրատարակել:

²⁾ Francesco Predari, Origine e vicende degli Zingari. Միլան, 1841 թ., 288 էրես, նկարներով:

ճառով էլ ահա երեք դարից ի վեր ամենազանազան և չաճախ ամենաանմիտ կարծիքներ են չալտնել բուշաների ծագման մասին։ Ամենից առաջ աչքի են ընկել այն անունները, որ կրում են բուշաները՝ րոմ, սինտի, ցիգան, ջիտանոս, բոհեմիեն, չիգիանէ, բուշա և այլն։

Ձը խօսելով նոցա մասին, որոնք բուշաներին միֆոլոգիական ծագումն են չառկացնում, լիշենք այստեղ Բատալլարին¹⁾, որը քառասուն տարիներից ի վեր պնդում է, թէ սկսած բրոնզի դարեչրջանից՝ բուշաները կենալիս են եղել Ներոպալի հարաւ-արեւելեան մասում, Փոքր-Ասիայում և հիւսիսային Աֆրիկայի մի քանի մասերում, ուր նոքա խառնուում էին միւս ցեղերի հետ։ Բայց Բատալլարի այս հայեացքը հաւատ չի գտնում նոր իսկ Ֆրանսիայում։

Աւելի տարածւած են այն հետազոտողների կարծիքները, որոնք պատմական փաստերի մէջ են մտնում։ Հերոդոտի և Ստրաբոի այն տողերը, որոնք վերաբերում են սիգինացիներին (Sigynnai), հիմք ծառայելիս մի քանիսներին (որպէս նաև Բատալլարին), թէ բուշաները ծնունդ են առնում Կովկասեան երկիրներից, փոքր Ասիայից և Թրակիայից։ Բայց մեծամասնաբար հետազոտողները կանգ առան ֆիլոլոգիական և լեզուաբանական համեմատութիւնների վերաջ և գտան որ բուշաները ցեղակից են հնդկական Սինթ ցեղի հետ։ Այս կարծիքի պաշտպաններից մանաւանդ պէտք է չիշել անգլիացի ճանապարհորդ կապիտան Բիւրտոնին²⁾։ Բայց գիտական տեսակետից կշիռ ունին մանաւանդ Գօլէ, Հելանդ, Միկլոզիլ և Ասկոլի, որոնք հաստատում են բուշաների լեզուի ազգակցութիւնը նորարիական լեզուների հետ։

Այս բոլոր հետազոտութիւնների հիման վերաջ՝ Կոլոչին գալիս է այս եզրակացութեան, թէ բուշաները ծագում են Հնդկաստանից և որ այստեղից նոքա իրանց գաղթը երկու ճանապարհով են կատարել, որոնցից մէկը ծովափնեայ է, միւսը՝ ցամաքով։ Նրա նոքա անցել են Հնդոս գետը, որը բոլոր արիական գաղթականութիւնների գլխաւոր երակն է եղել, ծովափնեայ ճանապարհը ուղղւել է դէպի Բելուջիստանի ծովափը, դէպի Պարսից ծոցը, Արաքիայի ափերը, Կարմիր ծովը, Սիրիայի եղեբքը և Արիւպեւագոսի կամ Եգեպեան ծովի կղզիները։ Այդ ճիւղին են պատկանում բուշաները Նուբիայի և Նգիպտոսի, Բիգարի, Լիբիի և Մուրի, լստոյ Կրետայի Կաիւ-բուշաները և Սիրիայի Կսւրբատները։ Ցամաքով գաղթածները պէտք է անցած լինեն Պարսկաստանը, Միջագետքը և Փոքր-Ասիան և գարձած լինեն դէպի Կասպից ու Սև ծովերը, ուր նոցա մի մասը հան-

¹⁾ Paul Bataillard.—Les Tsiganes de l'âge de bronze. Paris 1876 և նորա բազմաթիւ այլ գրւածքները։

²⁾ Richard Francis Burton, Sindh and the Races that inhabit the valley of the Indus. London 1851.

ղիպել է ծովով՝ եկածներին, մնացածները ծոած պիտի լինեն ճանապարհը դէպի հիւսիս-արևելք և հասած լինեն Ռուսիայի հիւսիսային պրովինցները և Սիբիրիան։ Սև ծովի մօտ իրար հանդիպելը մեկնում է բոչանների խիստ բնակութիւնը Բալկանեան թերակղզում, Բուլմինալում և Հալատանում և մեկնում է մինչ մի չափնի աստիճան Պասպատի՝¹⁾ զրտողութիւնը, թէ ինչու Թիւրքիայի նահանգներում երկու տարբեր արիւնքի բոչաններ են բնակւում։ Նոքա իրարից տարբերում են թէ լեզուով և թէ բարբոլ և իրար սաստիկ ատելու զգացմունքով, Գոցանից մէկերը բնակւում են քաղաքներում և Բոսֆորի և Արմիւրակաղոսի ափերում և հաստատաբնակ են, միւսները ըմբռնում են Ցապարի՛ի վայրենի ցեղերը և բնակւում են ներքին նահանգներում և լեռներում։

Մեծ մասը իսպանական Զրտանոսների (բոչանների) և Ալթիրիայի բոչանները պէտք է պատկանում լինեն այն ճիւղին, որը ծովի ափով զաղթեց, թէև նոցա մի մասը միմիայն շատ չեառ, 15-րդ դարի առաջին կիսում, դուքս Միհայլի՛ի աւաղակային խմբերի հետ իսպանիա զաղթեց, Մի վիպական ժամանակագրութիւն Վարլոս Վ-ի ժամանակներէց, ուրեմն 16. դարու առաջին կիսից, ակնարկում է բոչանների Եւրոպա դաղթելը երկու ճանապարհով. մէկերը՝ Սրաբիայի և Եդիպատոսի եղրներով, որով նոքա սարացիներին զորքերի հետ իսպանական ափերը իջան, իսկ միւսները՝ ուղեկցեցին տաճիկների մուտքը Ունգարիա և Բոհեմիա՝ Բալց ալս հաստաա է, որ, տաճիկների լարձակումներից առաջ, բոչաններ կային Բալկանեան թերակղզում և Վկալութիւններ կան, որ բոչանները Յունաստանում զեռ ևս 14-երորդ դարում կային. և երևի նոյն ալդ ժամանակ վալախների և Ալբանացիների՝ պաղթականութիւններին հետեւելով՝ հաստատուեցին Թեսալիա, Եպիրոս, Նաուպլիա և Կորֆու կղզու վերու, որպէս նաև Արխիպելագոսի կղզիների և Նիպրոս կղզու վերայ՝ Նաև Իաթալիա պէտք է բոչանները եկած լինեն 1422 թականից առաջ, երբ դուքս Անդրաշ՛ի խմբերը Բուլմինալում և Երեացին, որովհետև նոցա մէջ զեռ 1382 թականին ծնեց մի երեւելի բոչա նկարիչ՝ Անտոնիօ Սոլարի անունով։

III

Բոչանների ծագումը ըստ նոցա անթրոպոլոգիկան-էթնոգրաֆիական նշանների։

Մինչ ալժմ չեռ ոչ մի անթրոպոլոգ չի հաւաքել, քննել և դասաւորել այն նիւթերը, որ կան բոչանների ֆիզիքական, անատոմիական և ֆիզիոլոգիական առանձնալատկութիւնների մասին, որ կան անթրոպոլոգիական և էթնոգրաֆիական ընկերութիւնների և ճանապարհորդական հրատարակութիւնների մէջ։ Բալց ալս մի քանի անթրոպոլոգիական և էթ-

նօգրաֆիական տեղեկութիւնները, որ կան ալսօր բոշաների մասին, պրոֆեսոր Կորա-Տուրինի ասելով, հաստատում են ալն ինչ գտել է համեմատական լեզուաբանութիւնը, ալն է, որ բոշաները եկած են Հնդկաստանի Սինծ (Sindh) երկրից: Բլուսմենբախի նկարագրութեան համեմատ, բոշաների արտաքինն է՝ կաշւի աւելի կամ պակաս մութը գոյնը, ագուաւի սեռութեան մագերով և աչքերով, երեսը երկարաւուն է, ճակատը նեղ և վերը թռչող, քիթը փոքր ինչ առաջ ընկած և երբէք տափակ, աչքերի կոպերի մէջ տեղի տարածութիւնը նեղ. ունին սպիտակ ատամներ: Ի. Կոպերնիկի համեմատեց 83 հնդկական զանգեր 15 բոշական զանգերի հետ և գտաւ շատ նմանութիւններ և շատ փոքր զանազանութիւններ: Նորա դուրս բերած միջին թւերը բոշաների զանգի մեծութեան համար, 77,40 սանտիմետր է տղամարդկանց և 80 սանտիմետր կանանց համար: Արել Հովըլաք համեմատեւ է երկու տիպի բոշաներին, մէկը աւելի սուր գծագրութիւններով, միւսը աւելի կոպիտ բաց աւելի սիրուն գծերով և գտել է, որ ալն երկու տիպերն էլ գոյութիւն ունէին երբ նոքա Հնդկաստանից գաղթեցին. Գանգաքանական հետազոտութիւնների ընդհանուր հետեանքը ալս է, որ բոշաները գտանոււմ են, գիտութեան մէջ ընդունւած խօսքերով ասած՝ մեսատիկեֆալիակի և սուբդոլիխոկեֆալիակի սահմանի վերաջ և լեպտորիին-ներ են:

Մարմնի մեծութեան չափումները ցոյց են տալիս, որ բոլով նոքա միջակ են, մարմնի անդամները կանոնաւոր, բաց շատ աչքի է ընկնում կանանց ստինքների ոչ սովորական մեծութիւնը: Շատ քիչ են նոցա մէջ մեծ փորաւորներ, կզաւորներ, կոլրեր և ալ պակասութիւններ ունեցողներ: Ոչ քամին և ոչ խոնաւութիւնը, կամ ցուրտը, որքան էլ լանկարծակի կերպով նոցա հանդիպելու լինի, ոչ մի վնաս չի հասցնում նրանց: Թէպէտ և տաքութիւնը գերադասում են, բաց և ամենամեծ ցրտերին նոքա թափառում են բաց գլխով և միտն մի պատռտած չապիկով, ոչ ռեւմատիզմից և ոչ ալ չարիքից վախենալով:

Նոցա մարմինը, որ ինքն ըստ ինքիան ուժեղ է և կոշտ, ախպէս ասած՝ վալրենի կրթութիւնով աւելի ևս պնդանում է: Յալտնի է թէ ինչպէս մի քանի ամսեկան երեխաներին չալակած տանում են նոցա մալրերը: Երեք տարեկան երեխան արդէն չրկւում է ամեն խնամքից և ոտով ուղեկցում է հասակաւորներին: Ամառաւ շոքերին երեխան շարունակ ենթարկւած է արևին, իսկ ձմեռը փակւած է ձիով լքցւած խրճիթի մէջ: Մալրերից մի քանիսը սովորութիւն ունին իրանց փոքրիկներին ճարպ քսել և չետոյ կրակի տաքութեան կամ արևին ենթարկել: Արմատացած սովորութիւն է երես չը լւանալ: Այս բոլորը, ասում է Պրեդարի, օգնում

¹⁾ Alex. Paspatis, Etudes sur les Tschinghianés ou Bohémiens de l'Empire ottoman. Constantinople 1870.

է, որ բռնաները պահպանեն իրանց լատուկ զեղնաւուն-սնաւուն կաշւէզոյնը:

Այս ամենը նմանապէս ցոյց են տալիս բռնաների հնդկական՝ ծագումը, բայց զեռ. ևս զրական ապացոյցներ չեն, թէ Նոքա լեռագաներն են Զատ ազգի, որը երեւի թէ նախաարիական բնիկներից ծագած մի ազգէ Հնդկաստանում:

IV

Բռնաների տարածւելը Եւրոպայում:

Մենք արդէն մի քանի խօսք ասացինք բռնաների Եւրոպա տարածւելու մասին և տեսանք, որ 15-երորդ դարից առաջ Նոքա արդէն անցել էին Եւրոպա, Նոցա տարածւելը մանաւանդ Միջին-Եւրոպայում կոտորւեց 1417-1418 թւականին: Կոլոշի, հիմնւած հաստատ տեղեկութիւնների վերաւ, գտնում է հետեւեալը: Իրանց տարածւելու ժամանակ Եւրոպայում, Նոքա բաժանւած էին խմբերի («լաի») բաղկացած 70 մինչ 200 գլխից ամեն մէկը, իւրաքանչիւր խումբ ունէր իւր առաջնորդը («պուգար»), իւր դատաւորը («ագիլ») և իւր պատւաւորները («ջամադարի»), որոնք, նալած իրանց կարևորութեան, կոչւում էին թագաւոր («պալօ») կամ իշխան («ռաջա»), իսկ Եւրոպայում կոչւում էին դուքս կամ կոմս:

Գլխաւոր խումբը, Սինդել թագաւորի, Միհալի, Անդրաշ և Պանուէլ դուքսերի, իօն կոմսի և Պետրոն ասպետի՝ առաջնորդութիւամբ, երևաց Ունգարիայում և դիմեց գէպի Օֆեն քաղաքը: Մի մասը Նոցանից մնաց ալդ երկրում Դանուբ և Թեյս գետերի ափերին: Մնացածները բաժանւեցին երկու մասի, մէկը՝ գէպի արևմուտք, միւսը, գէպի հիւսիս ուղևորւելով, անցաւ Կարպատեան լեռները և հասաւ Բոհեմիա, Սլաքսոնիա, Հանովեր, և Մեկլենբուրգ և Բալթեան ծովը: Այնպէս որ 20 տարւալ ընթացքում Նոքա արդէն ցրւեցին Եւրոպայի մի մեծ մասում և մի դարւալ ընթացքում Նոքա մտան նաև Շոտլանդիա, Դանեմարք, Շվեդիա, Լեհաստան և այլ տեղեր: Կոլոշի բերում է ալն թւականները, թէ երբ և որտեղից առաջին անգամ երևացին բռնաները Եւրոպայի ալ և ալ քաղաքներում: Իսպանիայի մասին արդէն ասւեց, որ բռնաները ալդտեղ զեռ. 14-երորդ դարուց առաջ և կան:

V

Բռնաների հալածանքը և ազատումը:

Կոլոշի՛ի գրքի երրորդ և չորրորդ գլուխները ալդ խնդրին են վերաբերում:

Միջին դարերում բռնաները չարգւած էին, համապատասխան ալդ էպոքի ոգուն, որը հրաշքների և կախարդութիւնների հաւատում էր: Շատ

բնական է ալդ պատճառով, որ բոշաները գրաւելու ուժ ունէին, կախարհութեան արհեստի թափառող վաճառականներն էին Նոքա ալդ ժամանակ, ասում է Կոլոչի: Շնորհիւ իրանց ծանօթութեան բժշկական խոտերի հետ, մի քանի աստղաբաշխական երևութների հետ, շնորհիւ ալն ծանօթութեան, որ Նոքա ունէին մետաղների խառնուրդների մասին, լետոյ խաղաթղթերի գործածութեան և Արևելքում սովորած թւերի գիտութեան մասին. լետոյ շնորհիւ ցուշակութիւնների և ծանօթութեան հիպնոտիական երևութների հետ, Նոքա աւելի ու աւելի ընդունելութիւն գտան և ահի վերալ հիմնած պատուի արժանացան:

Բայց երբ Նոքա սկսեցին ձանաչել որպէս խաբեբաներ, երբ մուրացկանը գող դառաւ, թափառականը՝ աւազակ, զամբիւղ չինողը՝ տուն կրակող, կախարդուհին դառաւ մեղքերի թողութիւն տուող, երբ վերջապէս Նոքա սկսեցին իրանց մօտ ընդունել ամեն տեսակ չարագործներ և խաբեբաներ և աւալխով ստեղծեցին մի ընդարձակ միութիւն չարագործների, որոնք հրապարակական խաղաղութիւնը խանգարում էին և սեպականութեան սպառնացող դառան, ալն ժամանակ Սերոպալում, կրօնական և սոցիալական պատճառներով, Նոքա դէմ մի ընդհանուր առեւութիւն բացեց, ժողովրդական ճախապաշարմունքը լարեց Նոքա դէմ, որպէս հրէաների դէմ, Նոքա սկսեցին հալածել և օրէնքից դուրս մարդիկ ձանաչել. Նոքա կապում էին խարոկների վերալ, Նոքանից խոստովանա՞ք լսելու համար կատարած չարագործութիւնների մասին և ալն:

Հալածանքների սկիզբը եղաւ Իսպանիայում, 1492 (Նոն ալն տարին, երբ Ամերիկան գտնւեց). դորան շուտով հետևեցին Իտալիան, Ֆրանսիան, Ֆլանդրիան, Գերմանիան, Թուրքիան և Մոլդաւիան, Անգլիան և Շոտլանդիան, մինչդեռ Սերոպալ՝ ալն մասերում, ուր ալդքան խստասիրտ չէին դէպի Նրանց, խիստ օրէնքներով Նոքա գատապարտեցին երկիրը թողնելու:

Գորա հակառակ, բոշաները Սերոպալում մի երկրորդ հալընիք գտան Ունգարիայում, ուր Նոքա, շնորհիւ Սիդիսմունդ թագաւորի պաշտպանութեան, դեռ 15-րդ դարու սկզբում հաստատուեցին: Այդտեղ Նոքա պահպանեցին իրանց աղատութիւնը և բարիքներ վաւելեցին, և սակաւ դէպքերում միալն դրդեցին իրանց դէմ տէրութեան և ժողովրդի խստութիւնները: Մի ալլ զթառատութեան օրինակ ստացաւ Սերոպան Ռուսիայից, ուր բոշաների դէմ երէ՛ք հալածանքներ չեն եղած, ալլ կառավարչութիւնը աշխատած է Նոքա տեղական բնիկների հետ խառնել և հաստատաբնակ դարձնել: Գրեթէ ամբողջ Սերոպան երեք դար շարունակ հալածեց բոշաներին մտրակով, երկրից վաճառելով, կախաղաններով և խարոկներով, որ Նոքա Զնջի, բայց իզուր: Սէ երկար ժամանակ տեեց ալս հալեացքը թէ Նոքա սկի մարդիկ չեն, ալլ վարենի կենդանիք, որոնց դէմ մինչև անգամ որսորդութիւններ էին սարքում:

Բայց ալդ բոլորով չը կարողացան Նոքա Զնջել, Հենց որ կատաղու-

թիւները անցնում էին, մէկ էլ տեսնէք բոշաները, դուրս գալով իրանց լեռնալիւն ապաստարաններից, պարզ ցերեկ օրով ներկայացան քաղաքի և գիւղի փողոցներում, լիքը լուսով և վստահութիւնով իրանց բաղդի վերաւ։ Վերջապէս հասկացան, որ հալածանքով բան չի դառնալ, այլ որ մարդասիրութեամբ պէտք է վարւել նոցա հետ։ Դորա առաջին օրինակը տւեց Աւստրիայի Մարիամ Խերեզալի և իշխան Կառնիցի լուսաւոր կառավարութիւնը, որը իւր վերաջ առաւ ոչ թէ հալածելը, այլ գործնական հաստատութիւններով նոցա կրթելը։ Ունգարիան շարունակեց իւր մեծահոգի վարմունքը դէպի բոշաները, թէն սոքա սկզբում չէին ուզում հպատակւել նոցա համար տւած օրէնքներին, օրինական կեանքը մի տեսակ ստրկութիւն համարելով։ Բայց և այնպէս նոքա սկսեցին սովորել հաստատաբնականութեան, թէ գիւղերում, թէ քաղաքներում, ուր նոքա սեպհական թաղեր ունեցան։ Աւելի հակւած դէպի արհեստները, քան դէպի հողագործութիւնը, նոքա շարունակեցին իրանց հին արհեստները՝ կաթսա շինող և ձիերի բժիշկ, երաժիշտ և պարող, արհեստաւոր և երգիչ։ Նոր իւրացրին նոքա մի քանի տեղերում ոսկի աւազ մաքրելը, որի համար նոքա առանձնաշնորհումներ ստացան։ Մի քանի տեղերում անդամ նոքա սովորեցին երկրագործութեան։ Կանաք, սովորելով աւելի կանոնաւոր կեանքի, տիպերի ալնպիսի գեղեցկութեան հասան, որով Ունգարիան ալժմ էլ հրշակւած է։ 1782 թւականին, բացի հաստատաբնականներից, հաշւեցին դեռ 46.683 ուրիշ բոշաներ։

Աւստրիա-Ունգարիայի օրինակին հետեւեց Իսպանիա, որ անցեալ դարի վերջերքից սկսեց մտածել նոցա հաստատաբնակ դարձնել։ Բոշաները, տեսնելով տէրութեան ծառայողների կողմից սիրալիւր վարմունք, ուրախութեամբ բնակութիւն էին հաստատում գիւղերում և ապրում էին օրէնքների համաձայն։ Ռուսիան, ուր բոշաները երբէք հալածւած չեն եղել, էներգիայով ձգտել է բոշաներին բարոյապէս բարձրացնելու։ 18-երորդ դարի վերջերքից նոքա՝ Վոլյայի նահանգում և ամբողջ հարաւային Ռուսիայում բնակւելով, մնացին ազատ և անկախ և եթէ օրէնսդրութիւնը նոցանով զբաղւել է, ալք եղած է նորա համար, որ նոցա օգտակար հպատակներ դարձնէ։

Մեծ-Բրիտանիայում անգլիական մարդասիրութիւնը բոշաների նկատմամբ արթնացաւ միայն ներկայ դարու սկզբին, բայց նա հիմնւած էր մի քանի մարդասէրների անձնական գործունէութեան վերաջ, որոնք 1827-ին Սոլթապտոնում մի մարդասիրական ընկերութիւն հիմնեցին բոշաներին վալրենութիւնից լետ սովորացնելու և նոցա բարոյապէս բարձրացնելու համար։ Շուտով նա իւր գործունէութիւնը ընդարձակեց և պատական հետևանքներ ունեցաւ։

Բումինիայում երկար շարունակեց բոշաների վատ վիճակը և անգամ օրէնքներով ալք վիճակը աւելի վատացաւ։ Մի քանի անձների ձրգ-

տուններով միայն սկսեց ճոր ուղղութիւն ճոցա համար և վաւախական կառավարութիւնը միջոցների գիմեց, որպէս Ալէքսանդր Գիկաս, որը 1837-ին 4000 բոլանների ազատութիւն տւեց, 1844 և 1855 թւականներին ամբողջ վաւախալուստ վերացրեց բոլանների ստրկութիւնը, որին հետեւից և Մուղաւիս:

Այսպիսով 1856 թւականին վերջապէս վերջացաւ ամբողջ Սերպայում բոլանների ճորտութեան կամ ստրկութեան արատը: Արեւմտեան Սերպայում ալի աղատումը բոլանց ֆրանսիական մեծ չեղափոխութեան սկզբունքների տարածելուց, Բալց մինչ այժմ էլ ստորութեան դրութիւնը մի տեսակ չափակցրած է բոլաններին և այժմ էլ խտալիստ բոլան անունը բաւական է համարում գողի տեղ ընդունելու համար:

VI

Բարոյական բնաւորութիւնը, ոգեկան ընդունակութիւնը, երաժշտութիւնը, բանաստեղծութիւնը և պարը:

Հանրածանօթ ունգարացի երաժշտագէտ և կոմպոնիստ Ֆրանց Լիստը նա է, որ ամենավարպետ կերպով նկարագրել է բոլանների բարոյական բնաւորութիւնը և ճոցա արեւմտագիտական և մանաւանդ երաժշտական ունակութիւնները: Նորա հեղինակութիւնը ալի նկատմամբ ընդհանրապէս ընդունւած է ¹⁾:

Ժամանակը և տեղական հանգամանքները, որոնք առհասարակ մեր աշխարհում ալնքան գեր են խաղում, բոլանների վերաջ կամ ոչինչ կամ շատ քիչ ներգործութիւն են արել: Սերպայում երեւալու օրից մինչ այսօր ճոցա մնացել են, ինչ որ էին և որտեղ էլ ճոցա պատահէ, Հիւսալալի ստորոտներում մինչ Պարսկաստան, Լեհաստան և Ունգարիա, Ալպերի ստորոտում և Ասորիքում, Բերբերիալում, Իսպանիալում թէ գուցէ և Բրազիլիալում, մենք ճոցա ամենուրեք նոյն ենք գտնում, կարծես ճոցա իրարից հեռացած չը լինէին՝ ամենուրեք բաժանւած իրանց շրջապատող աղ-գերից, միշտ ձգտող, որ իրանց ալա առանձնութիւնը խիստ պահպանւի և չետ քաշող «գախնօ»ների և «բուղնօ»ների հետ շիււնուց: «Գախնօ» մի խօսք է, որ, Պասպատիլի ասելով, ծնունդ է առել Տրապիզոնից և Նշանակում է ոչինչ մարդ, կամ մի աննշան արժէքի մարդ: Դա մի արհամարական խօսք է, որ բոլանները բանեցնում են օտարների համար: «Բուղնօ» խօսքը ունգարական է և գործ է ածւում ունգարական և իսպանական բոլաններից:

¹⁾ Fr. Liszt, Des Bohémiens et de leur musique en Hongrie. Paris 1859. Թարգմանւած է նաև գերմաներէն 1861 և 1881 թւականներին:

Ինչ գրութեան մէջ էլ որ լինի նա, բոշան պահպանում է իւր սովորական եւ լարատեան անզգալութիւնը, երբէք նա չի երևում ապագայի համար հոգ քաշող, միշտ ապրում է օր օրի վերալ անպալման մտաւոր անշարժութեան մէջ, կառավարչութիւն, օրէնքներ, կանոններ, սկզբունքներ, պատուի զգացմունք՝ ալս բոլորից ամենատարօրինակ ազդութեան անտանելի բաներ են, Պարտականութիւն և սեպականութիւն ասւած բաները նրանց անծանօթ բաներ են Նոյնպէս, «Պէտք է» խօսքը Նոքա չունին, իսկ «ունենալ» բալը Նոքա ունեցած են (terava), բալց գոնէ եւրոպական բոշաներից մոռացւած է, իւր սեպական անձնաւորութիւնը, իւր «ես»-ը զգալ և ալն էլ ամենախորը կերպով զգալ, ալք է, ասում է Կոլոշի, բոշակի ամենաներքին և ամենաքնատուր ձգտումը, կարօտը, Ալք անսահման անկախութեան կարիքը, որը բոշաների բնատուր շշանն է գառել, Նոքա ստանում են ալն մի տեսակ մշտնջենական արեցողութիւնից, որի մէջ դտնւում են Նոքա բնութեան հետ միշտ չփելուց, Որովհետեւ Նոքա երբէք բնութեան անմիջական ներգործութիւնից չեն հեռանում, բնութիւնից նրանց ներշնչւած ոգևորութիւնը ալն աստիճան սովորութիւն է դառնում, որ Նոքա ալ ևս չեն կարողանում ապրել առանց ալք լարատեան զօրեղ զգացողութեան, Նոքա աշխարհքումս չեն ճանաչում մի բան, որ հաւասարէր ալն հաճուքներին, որ Նոքա իրանց մարմնի բոլոր ծակոտիներով և զգացողութիւններով ներս են ծծում բնութեան գոգից, Ամբողջ երկիրը Նոքա համար հալրենիք է. միալն թէ իրանք իրանց ազատ զգան՝ ամեն կլիմա Նոքա համար լարմար է. «Ուր լաւ, անդ հալրենիք»—ահա թէ ում համար է ասւած:

Թափառական կեանքը ոչ մի նոմադի համար ալնքան անհրաժեշտ կարիք չի գառել որքան բոշաների համար: Դորանից է և բնաւորութեան փոփոխութիւնները, անհանգիստ լուզւածութիւնը:

Չը նալած որ բոշան լուելալն պաշտում է բնութիւնը, բալց Աստուծոյ, իբր տիեզերքը ղեկավարող, ոգու գաղափարը նրան անլալտ է. Նորա ոգին երբէք չի կարողացել բարձր իղէալների հասնել, Հանդերձեալ կեանքի գաղափարը նրան ծիծաղելի է երևում, Նոքա կրօն չունին, Նաև Նոքա երգերի և պատմութիւնների մէջ, որոնցից ոմանք շատ հին են, հաւատի չետք անգամ չը կալ, չը նալած որ Նոքա, իրանց անձնական օգտի համար, բալց առանց որ և է համոզմունքի, մի որ և է կրօնի պաշտամունք ընդունում են, մի փաստ, որ նկատւած է ամենուրեք, թէ քրիստոնէական և թէ մահմեդական աշխարհում, Աստուածութիւնը Նոքա համար ալն է, ինչ իրանց օգուտ է և դուրեկան: Ալս է նկատւում, երբ Նոքա դիտում էք, չը նալած որ Աստուած խօսքը Նոքա թւին (Devel). Բալց ալք խօսքը, ծագած լինելով սանսկրիտական («Դեւա») ից, ընդհանուր է բոլոր հնդկաեւրոպական ցեղերին:

Որպէս կրօն չունին, չունին Նոքա նաև ոչ հալրենիք և ոչ իրանց

ազգի պատմութիւն, Նոքա չունին ոչ մի գրաւոր արձանագրութիւն, անգամ չունին բերանացի ականդութիւններ: Այդ բոլորի տեղ Նոքա ունին մի կիրք, որը Նոցանում ամենաուժեղն է՝ մի բարձր հպարտութիւն իրտեց սեպհական խզուժեան վերայ, որը կրթւած մարդու բոլոր ուժերին ընդդիմադրում է:

Բայց այդ հասարակական ընտանիքից զուրս, այդ ժողովուրդը մի ունի անորոշ արւեստդիտական զգացմունք, որը արտայայտուում է Նորա ազգային երաժշտութեան մէջ: Այդ է, որ Ֆրանց Լիտեր անուանեց *sentiment bohémien* (բոշակի զգացմունք) գեղարւեստի մէջ: Ոգու այդ գիծը երեւում է իբր մի կարօտ դէպի անպայման աղատութիւնը միացած ձևի անկախութեան հետ: Երաժշտութեան մէջ, որպէս բոշաների բնատրութեան մէջ, ամեն բան կարօտ և պահանջ է արտայայտում: Բայց այդ բոշակի պահանջը աշխատաւոր մարդու, կամ մտածողի և հետազօտողի պահանջը չէ, այլ երեխակի անկարգ պահանջն է: Բոշան չափոնական երեխայ է:

Բոշաների ոգեկան, մանաւանդ գեղարւեստական ունակութիւնների մասին վկայութիւն են տալիս այն զարմանալի առաջադիմութիւնները, որ Նոքա միշտ անում են երաժշտութեան մէջ և այն բազմաթիւ գեղարւեստագէտները և երաժշտագէտները, որ Նոցա միջից զուրս են եկել: Թող լիւնեն միայն Սուչաւա, Բարրա, Բարնա Միհալի, Յիհարի, Սուզոր, Բաչար, Սարկոզի, Կեչկեմետի, Չիճկա, լետոյ Պաննա՝ մի ջութակ ածող կին, որը վիեննայում ամենափալուռ լաղթանակներ էր աօնում, և ամենից առաջ Բիհարի (1769 մինչ 1827), որը ճանաչւեց որպէս ջութակիստների թագաւոր և փալեց որպէս բոշական արւեստի, Նոյնպէս և կլասիքական երաժշտութեան մէջ, վերջապէս Թող լիւի պասանդ երեւելի Նկարիչ Անտոնիօ Սոլարի, որը երեւի մի վենետկական բոշա էր (ծնւած 1382-ին), իսկ մտածողների մէջ՝ Ջոհն Բունիանս, որ մեծ ձիրքերով գրող և քարոզիչ էր, ծնւած 1628-ին և վախճանւած 1688 թ. լոնդոնում¹⁾:

Բայց բոշան սիրում է իսկապէս միայն երաժշտութիւնը, որպէս Լիստն է ասում: Եւ չը կալ թերեւ մի այլ անկիրթ ազգ, որ բիֆմի ալեքան ճշտութեամբ և էլեգանցով նւագել կօրողանար, որպէս ալք լատուկ է բոշական գործիքաւոր երաժշտութեան, որին ալք իսկ պատճառով Լիտեր չատկացնում է մի իսկապէս ազգային դիւցազնեղութեան Նշանակութիւնը: Նոցա գործիքների ախորժ հնչիւնը զեռ ևս գերազանցւած չէ, ամենու ուժը անհատաւորի է, և ալն, ինչ ամենից շատ զարմացնում է,

¹⁾ Միստիքական 'գրող և հեղինակը իւր ժամանակ շատ կարդացւած և անթիւ անգամ Նոր տպւած և թարգմանւած գրքի՝ «The pilgrims progress from this world to that which is to come». London 1678—84, երկու հատոր:

այդ՝ ունգարացի բուշաների օրքեստրն է, թէ պարի և թէ պատերազմական եղանակներում:

Նոցա երգերը, որ կարճ երգեր են և բխտորեններ, նույն բարձրութեան վերալ չեն կանգնած: Եւ որքան էլ մի քանի գրողներ գոված են բուշա երգչուհիներին, բայց չոքաւ,—Լիստի ասելով, չեն հասնում գործիքաւորներին: Չոքաւ ասելի դիւթիչ են որպէս երեւելի տարրիււորներ, քան որպէս լաւ դեզարուեստագէտներ: Մոսկւայի բուշուհիները երգում են միայն որպէս զրգող և նախապատրաստող պարի համար, իսկական երաժշտութիւնը այդ պատճառով չոցա համար երկրորդական է: Նա վերջանում է մի բաքոսական շրջապարով, որը զգացողական լուզմունքը հասցնում է գագաթնակէտի:

Բանաստեղծութիւնը, բուշաների մօտ, նմանապէս ծառայում է միայն որպէս պարի գաշնակցող: Մանաւանդ իսպանական ջիտանոսները (բուշաներ) կուպլետները և բխտորենները երգում են միայն պարի համար, Հիւսիսում բուշան ասելի պատմիչ է: Բուշական բանաստեղծութեան մէջ, հակառակ տարածւած կարծիքի, չառ անգամ բարոյական և սիրալին զգացմունք է չալտունում: Կոլոչին իւր գրքի մէջ ալգպիսի օրինակներ է բերում:

Կալ մի տեսակ ժողովրդական բանաստեղծական բանաստեղծութիւն իսպանիայում, որ կոչւում է *poesia flamenca*, կամ *Cantos flamenca*, մանաւանդ Անդալուշիայում: Դա իսկապէս բուշական չէ, բայց բուշական ոգով ներշնչւած անդալուզական երգեր են, որոնցից պրոֆեսոր Մախադօ ի Ալւարեզ Սելիւալում մի ժողովածու հրատարակեց ¹⁾:

Ըստ Վալլանի (*Vaillant*), Արեւելքի բուշաները ունին մի քանի պատկերացնող և սիմբոլական պարեր, որ չոքաւ կրօնական տօների առիթով ներկայացնում են, և նա զոցանից մէկը նկարագրում է, այն է Խաչի պարը, որը տեղի է ունենում ի պատիւ քրիստոնէական Զատիկի: Բայց բոլոր բուշական տօներին, բոլոր «կականա»-ներում չոցա պարերը ամենին կրօնական բնաւորութիւն չեն կրում: Նոքա, որպէս ասւեց Մոսկւայի պարողուհիներին մասին, զարթնացնում են իրանց պարով միայն զգալարանական, Թէ անցելում և թէ ներկայումս բուշաների աղջիկները հռչակւած են որպէս պարողներ: Եւ որպէս ալգպիսիներ, չոքաւ դեռ 17 դարում Ֆրանսիայում չառ սիրւած էին: Իսպանիայում չոքաւ պարում են «զարանդէօ» և «զորոնդօ», Արեւելքում «բոմաիկա» կամ «տարանչա», որը նույն է թէ հնդկական բուշաների և եգիպտական ալմենների ու զաւազիների պարը:

Լեզուի մասին չետոյ, բայց բուշաները ցոյց են տալիս ողու մեծ սրութիւն և ոչ սովորական ճարպիկութիւն, միացած չառ կենդանի երեսակական ուժի հետ: Ունգարական ուսումնարաններում ընդունւածներից մի

¹⁾ *Collección de Cantos flamencos, recojidos y anotados per Demofilo. Sevilla 1881.*

քանիսը մինչև անգամ ընդունակութիւն են ցոյց տուել աւելի բարձր ուսման համար: Բայց ընդհանրապէս առած, հասունութեան նոքա չեն հասնում և միշտ ձգտում են ղէպի իրանց նախկին կեանքը, իրանց խոհերը:

VII

Լ Ե Ղ Ո Ւ Ն:

Բոշաների լեզուի մասին ամենազանազան կարծիքներ կալին մինչ անցեալ դարի վերջերքը, չը հալած որ դեռ 1732 թ. ին Ռիդիդեր բոշալերէնը համամատեց Նոր հնդկական բարբառների հետ: Մինչև անգամ մինչ մեր դարուս միջերքը հին կարծիքը իշխող էր, որ իբր թէ Նոցա մէջ նմանութիւն չը կալ, Երկար ժամանակ դեռ խնդիր կար, թէ արդեօք բոշաները մի որ և է լեզու ունին թէ ոչ, որովհետև շատերը ընդունում էին, որ բոշաները ոչ թէ իսկական լեզու, այլ մի գողալին լեզու ունին, պալմանական լեզու, նման Խտալիալի լինգուէ ցերգա, գերմանական ռոտվելչ, ֆրանսիացոց լանգ վերտ լեզուներին: Եւ կամ ընդունում էին, թէ Նոցա լեզուն մի տեսակ կուտակումն է ուրիշ ազգերից վերցրած բառերի:

Բայց երբ կամաց կամաց դտան ազգակցութիւն բոշալերէնի և հնդկական լեզուի մէջ, որպէս ամենից առաջ Ռիդիդերը առաւ, և չնորհիւ նրան, որ անգլիացիք (1773-ին) և պորտուգալացիք (1778-ին) մոցորին հնդկական քերականութիւններ, պարզւեց, որ բոշալերէնը մի իսկական լեզու է, հիմնած հնդկական բարբառների վերալ: Գրեմանը 1782 թ.-ին առաջինը կարգի բերաւ բոշական քերականութեան և բառարանի տարրերը: Մեր գարու առաջին քսան տարիներում նպաստեցին խնդրի առաջանալուն Բիխարգոնի, Գրաբերգի Հեմդ-ի, Իրւիի և Պուխմալերի ուսածքները: 1827-ին Բիշոֆ հրատարակեց մի բոշալերէն-գերմաներէն բառարան: 1832-ին հռչակաւոր Մեցցոֆանտի գտաւ բոշալերէնի առանձին բնաւորութիւնը և կարեւորութիւնը, 1837-ին Բորրով թարգմանեց Ղուկասի աւետարանը Զիտանոսների բարբառով, որից երկու տարի առաջ Գրաֆֆունդեր Էրֆուրտում հրատարակեց բոշալերէնի մի նախաշաւիզ, ուր նա հաստատեց, որ բոշալերէնը, թէև նա այլ և այլ ազգերից բառեր է փոխ վերցրել, բայց իւր քերականական կազմին և առանձին բնաւորութեանը հաւատարիմ է մնացել: Հետեեալ տարիներում հրատարակւեց արդէն քանիցս քիչած Պրեդարիի գիրքը. նաև սա պարունակում է մի համառոտութիւն և մի բառարան բոշալերէնի: Դրան լոյրգեց Պոտտի վերին աստիճանի հետաքրքրական աշխատասիրութիւնը ¹⁾, որը ապացուցեց ազգակցութիւնը բոշալերէնի և գնդի:

¹⁾ Pott, Die Zigeuner in Europa und Asien. Halle 1844 bis 45.

Կոլոչի նկատում է, թէ որպէս շատ արդիւնաւէտ են եղել բոշաւերէնի ուսումնասիրութեան համար 1850—1870 թւականները, Այդ ժամանակամիջոցում ուսումնասիրեցին՝

Դիերկս եւ Բոդրիմոն—բասկերի բոշաւերէնը.

Բորրով—իսպանական (ջիտանոս) եւ անգլիական (Դիպուս) և Զիքենբուրգի բոշաւերէնը.

Վալլան—րումանական բոշաւերէնը.

ԲՅնալինգ—ռսական բոշաւերինը,

Սմարտ—կրկին անգլիական բոշ.,

Կամպուլցանօ—Խիմենից—իսպանականը,

Գոթինօ—պարսկական բոշաւերէնը,

Բուզգե—գերմանական բոշաւեր.

Նիւբուլդ—եգիպտական բոշաւերէնը.

Միւնտոն ժամանակ երևացին աւելի կատարեալ աշխատութիւններ, որպէս Ասկոլթ—Հալլէլում, Միտրովիչ—Պրագոււմ, Լիբիխ և Աւէ-Լալլըման-Լալպցիգում եւ Ֆրիդրիխ Միւլլեր՝ Վիեննայում.

1870 թւականից մինչ ալժմ բոշաւերէն բառագրականութիւնը ահագին լառաջադիմութիւններ է արել. Բորրով, Սմարտ և Կրոֆտոն տւին երկու շատ լաւ բառարաններ անգլիական բոշաւերէնի (gipsy—dialect). Փւինգալէ տւեց մի բառարար բառարան իսպանական բոշաւերէնի. Պասպատի հրատարակեց Կ. Պոլսում իւր ուսւածքները չինգիանէ՛ների մասին, որը մի առանձին արժէք ունի և Միկլովիչ Վիեննայում հրատարակեց իւր անհամեմատելի աշխատութիւնները, Այդ միջոցին բոշաներին շարունակ ուսումնասիրեցին Ունգարիայում՝ Բորրով, Հոլանդիայում՝ Գօւլէ, Ռումանիայում՝ Կոնստանտինեսկու, Իսպանիայում Դիերկս, Սլովակիայում՝ Կալինա, Անդլիայում՝ Չարլս Լեյանդ, Զիքենբուրգում՝ Շւիկեր, Անդրկովկասում՝ Պատկանեան. Վերջապէս երևաց ունգարական բոշաների մասին Աւստրիա-Ունգարական արքիդուքս Յովսէփի աշխատութիւնը ունգարական բոշաների մասին և ալժմ ահա Կոլոչիի աշխատութիւնը, որի մէջ կան լիշատակած դեռ ուրիշ նիւթեր բոշաւերէնի ուսումնասիրութեան մասին. Մեր լիշատակածները—ամենազլւարներն են.

Բոշական բարբառներից հին լեզուին ամենահաւատարիմ մնացած են Բալկանեան թերակղզուներ, Իտալիայինը և Վալիսինը, միւսները շատ աւելի են փոխ առած օտար բառեր, դարձւածներ և ալլն, որպէս Իսպանիայում, Անգլիայում.

Ըստ Կոլոչիի Եւրոպայում հետազօտւած բոշաւերէն բարբառները բաժանուում են 14 զլխաւոր տիպարների՝ 1) լոնական-տանկական բոշաներ կամ չինգիանէ, 2) ռումանական, 3) ունգարական, 4) սլաւոնիական, 5) գերմանական, 6) լեհական—լիտովական, 7) ռսական, 8) ֆինական, 9) սկանդինաւական, 10) անգլո-սաքսոնական կամ ջիպուս (gipsies), 11)

վելլական, 12) խտալական, 13) բասկիական, 14) իսպանական բոշաներ կամ Զիտանոս, Բացի այդ եւրոպականներից, իւր բարբառներով ամենահարուստներից մէկ են է նաև Ասիական բոշաների լեզուն, որը մինչ ալթմ քիչ է ուսումնասիրւած: Աֆրիկայի և Ամերիկայի բոշաների բարբառները կամ քիչ կամ բոլորովին չեն ուսումնասիրւած:

Այդ բարբառների կազմակառուցման մէջ անկասկած է, որ դեր են խաղացել նաև գաղտնի (գողերի) լեզուները: Բայց չը նախած որ այդքան տարբեր տարրեր խառնուին այդ բարբառների մէջ, նոցա կազմը միննունն է. իւր աղնութիւնով, Ասկոլիի ասելով, Նա գերազանցում է անգամ պալիական լեզուն:

VIII

Բոշաների Թւահամարը

Վերջացնում ենք այս խօսածը, մի կողմ թողնելով Կոլոչիի գրքի ալն գլուխները, որ վերաբերում են բոշաների բարբառին, սովորութիւններին, Նիստ ու կացին, ապրուստին, զբաղմունքներին, նոցա արւեստներին, ամուսնութեան, թաղման սովորութիւններին և այլն, և մեր ընթերցողների առաջը դնելով Կոլոչիի հետեւեալ վիճակագրական ցուցակը բոշաների թւի մասին, Եւրոպայում, Նախադպրոցներով սակալն, որ այդ թւերը միալն մօտաւորապէս պէտք է ճիշտ ընդունել:

Յունաստան	10.000
Թուրքիա	67.000
Բուլղարիա	50.000
Բոսնիա-Հերցեգովինա	18.000
Սերբիա	34.000
Մոնտենեգրո	500
Ռումանիա,	250.000
Աւստրիա-Ունգարիա՝	
Աւստրիա	16.000
Ունգարիա	150.000
Ռուսաց կայսերութիւն՝	
Ռուսիա	58.000
Լեհաստան	15.000
Շեցիա և Նորւեգիա	1.500
Դանեմարք և Հոլանդիա	6.000
Դերմանիա	2.000
Իտալիա	32.000
Ֆրանսիա	2.000

Մեծ-Բրիտանիա	12.000
Իսպանիա	40.000
Ճնացեալ Եւրոպան	15.000

779.000

Նոյն աղբիւրից մենք իմանում ենք, որ առաջագործ Ասիայի չկատմամբ մատաւորապէս չալտի են հետեւեալ տեղերի համար բոշաների թւի մասին՝

Անդրկովկաս	3.000
Ասիական Թուրքիա	67.000 ¹⁾
Պարսկաստան (1866-ին)	13.000
Հնդկաստան {	20.000 (?)
Սիբիրիա {	
Աֆրիկա {	
Ամերիկա {	166.000 (?)
Աւստրալիա {	

Գւիդո-Տուրինի կարծիքով, սակայն, բոշաների թիւը պէտք է 2 միլիոնից շատ պակաս չը լինի։

Պ Սոցա մեծ մասը փոքր-Ասիայումն են և Տաճկա-Հայաստանում։ Այդ թիւը աալիս է Կոլոչի։